

Bókasafn Fjölbrautaskóla Suðurlands á Selfossi
starfsskýrsla skólaárið 2012-2013

Starfsfólk:

Starfsmenn bókasafnsins eru tveir. Elín Kristbjörg Guðbrandsdóttir, forstöðumaður safnsins og Steinunn Óskarsdóttir. Stöðugildi við safnið eru tvö. Steinunn sagði starfi sínu lausu nú í vor en hún hefur unnið á safninu frá ágúst 2001.

Opnunartími:

Bókasafnið er opið mánudaga til fimmtudaga kl. 8:00-16:30 og á föstudögum 8:00-15.30. Opnunartími er 41.5 klst. á viku. Kennsla hefst á morgnana kl. 8:15 og lýkur kl. 16:00 mánudaga til fimmtudaga, á föstudögum lýkur kennslu kl. 15:25.

Útlán:

Útlán eru færð á þrjá vegu: í útlánabátt Gegnis, í tvær bækur í afgreiðslu og skammtímalán innan skólans eru handskráð í afgreiðslu og talin eftir hvern dag. Í aðra bókina í afgreiðslunni eru skráð útlán á því safnefni sem ennþá er í hliðargrunni Gegnis og í hina bókina geta lánþegar skráð útlán sín þegar starfsmenn eru fjarri. Almenna reglan er að lána ekki út tímarit, nema í tengslum við verkefnavinnu nemenda og til kennara.

Algengt er að safnefni sé sett á svokallað „bundið lán“. Þá er safnefni lánað út á viðkomandi kennslustofu, en gjarnan staðsett í gryfjunni og gert er ráð fyrir að nemendur vinni að verkefnum á safninu, ýmist í kennslustundum eða í eyðum. Með þessu móti er unnt að tryggja jafnan aðgang nemenda að heimildum. Mikilvægt er að nemendur láti safnverði vita þegar þeir taka þetta efni út af safninu.

<u>ÚTLÁN:</u>	<u>HAUST 2012</u>	<u>VOR 2013</u>	<u>SAMTALS:</u>
Í GEGNI	1470	960	2430
Í BÓK	241	175	416
INNAN SKÓLANS	5124	4055	9179
<u>SAMTALS:</u>	6835	5190	12025

Útlánatölur sveiflast nokkuð milli ára, veturinn 2011-2012 voru þau 13286 en fyrir tveimur árum, 2010-2011 voru þau 12047.

Millisafnalán:

Samtals voru millisafnalán 75 á skólaárinu. Eðlilega er mest leitað til Bókasafns Árborgar en einnig talsvert til annarra safna á landinu.

<u>Millisafnalán frá:</u>	<u>Haustönn 2012</u>	<u>Vorönn 2013</u>	<u>SAMTALS:</u>
Bækur frá söfnum	9	21	30
Myndbönd og mynddiskar frá söfnum	9	12	21
Geisladiskar frá söfnum	1	1	2
Hljóðbækur	1	1	2
Tímarit frá söfnum		2	2
Tímaritsgreinar frá söfnum		1	1
SAMTALS:	<u>20</u>	<u>38</u>	<u>58</u>

<u>Millisafnalán til:</u>	<u>Haustönn 2012</u>	<u>Vorönn 2013</u>	<u>SAMTALS:</u>
Bækur til safna	8	1	9
Mynddiskar til safna	8		8
SAMTALS:	<u>16</u>	<u>1</u>	<u>17</u>

Samstarf við önnur söfn:

Nokkurt samstarf er við önnur bókasöfn, einkum við Bókasafn Árborgar. Safnefni er fengið að millisafnaláni og samráð haft um ýmis mál.

Listar yfir kjörbækur í íslenskuáföngum við FSu eru sendir í upphafi hverrar annar til almennings- og skólasafna á Suðurlandi. Söfnin geta þá tekið frá bækur og sett þær á styttri útlánstíma.

Skjölum frá Félagi iðnnema á Selfossi var komið til varðveislu á Héraðsskjalasafni Árnesinga, um er að ræða skjöl félagsins frá 1955 fram á 8. áratuginn.

Bókasöfn á Suðurlandi eru með sameiginlegan póstlista fyrir stjórnunareininguna SUD50 í Gegni. Hann var stofnaður haustið 2008 og á honum eru söfn allt frá Reykjanesi og austur á Höfn í Hornafirði. Sáráltil virkni hefur verið á póstlistanum og taka þarf ákvörðun um hvort honum skuli viðhaldið. Stjórnunareiningin SUD50 er tæknilega ennþá til í Gegni en forsendur fyrir samstarfi safna í SUD50 eru breyttar í kjölfar uppstokkunar á fulltrúaráði Aleflis, notendafélags Gegnis. Það skipa nú fulltrúar frá ýmsum safnategundum í stað fulltrúa frá stjórnunareiningum Gegnis áður.

Gegnir:

Bókasafn Fjölbrautaskóla Suðurlands er aðildarsafn að Gegni, samskrá íslenskra bókasafna. Vorið 2006 voru bókfræðifærslur úr Metrabók, gamla bókasafnskerfinu færðar yfir í Gegni. Alls voru 14.411 skráningarfærslur í Metrabók og tókst að færa yfir 6.467 skráningarfærslur og 7.944 skráningarfærslur höfnuðu í svonefndum hliðargrunni sem er lokaður öllum nema starfsfólki aðildarsafnanna.

Núna eru 1.133 færslur frá bókasafni FSu eftir í hliðargrunninum, en alls voru 575 færslur færðar úr hliðargrunninum á skólaárinu. Þetta er seinleg vinna, sérstaklega ef

færsla fyrir viðkomandi safnefni er ekki fyrir í Gegni, þá þarf nánast að vinna hana upp á nýtt og lagfæra ýmis atriði. En vonir standa til að verkinu verði lokið innan fárra ára.

Allt nýtt efni sem berst á safnið er nú skráð og tengt í Gegni að undanskildum kvikmyndum sem enn eru skráðar í Metrabók og upplýsingar um þær eru einnig settar inn á heimasíðu safnsins.

Starfsmannaáðgangur er að Metrabók, gamla bókasafnskerfinu og hefur það komið sér vel við yfirfærslu safngagna úr hliðargrunni Gegnis að geta skoðað skráningu í Metrabók.

Kostnaður við þátttöku í Gegni var kr. 382.632 á árinu 2012 eða kr. 31.886 á mánuði. Skólinn greiðir fyrir alla mánuði ársins, en fær virðisauka endurgreiddan.

Gagnasöfn:

Íslendingar hafa landsaðgang að rafrænum gagnasöfnum og tímaritum á vefsíðunni <http://www.hvar.is>. Þar er ókeypis aðgangur að heildartextum um 17.600 tímarita og útdráttum greina í 9.300 tímaritum, auk þess alfræðiritum og gagnasöfnum. Rúmlega 200 aðilar greiða fyrir aðganginn.

Framhaldsskólarnir hafa frá upphafi tekið þátt í kostnaði við landsaðganginn og er greiðsluupphæð miðuð við nemendafjölda hvers skóla. Á árinu 2012 greiddi FSu kr. 73.709. Greitt er fyrir hlutdeild að eftirtöldum gagnasöfnum: Britannica Online, Ebsco Host, Grove Art, Grove Music, Greinasafn Morgunblaðsins (nema síðustu þrjú ár hverju sinni), ProQuest Central og Web of Science - ISI.

Vefgáttin Leitir.is var opnuð í nóvember 2011. Leitarniðurstöður birtast á annan hátt en í Gegni en greinilegt er að notendur eiga auðveldara með að átta sig á t.d. hvar safnefni er að finna og einnig er hægara en áður að þrengja niðurstöður. Leitað er samtímis í átta gagnasöfnum:

- Bækur.is sem er stafræn endurgerð gamalla íslenskra bóka
- Elib sem er áskrift bókasafns Norræna hússins að rafrænum bókum
- Gegnir sem er samskrá íslenskra bókasafna
- Hirsla sem geymir vísinda- og fræðigreinar starfsmanna Landspítala- háskólasjúkrahúss
- Hvar.is sem er landsaðgangur að erlendum gagnasöfnum og rafrænum tímaritum
- Myndavefur Ljósmyndasafns Reykjavíkur sem inniheldur fjölmörg ljósmyndasöfn í eigu safnsins
- Skemman sem er safn námsritgerða og rannsóknarita háskólanna
- Timarit.is sem veitir aðgang að fjölmörgum dagblöðum og tímaritum sem hafa verið gefin út á Íslandi, Grænlandi og í Færeyjum

Á skólanetinu er opinn aðgangur að veforðabókum Snöru og eru þær mikið notaðar.

Safnfræðsla:

Nýnemadagur var haldinn upphafi haustannar 21. ágúst. Starfsmenn bókasafns tóku á móti sjö hópum nýnema og kynntu fyrir þeim þjónustu bókasafnsins í aðalatriðum.

Nemendur í LKN 106 fá safnkynningu bæði á haustönn og vorönn. Safnkynningin tekur eina kennslustund (75 mín.) og er stutt kynning á safninu og safnkosti og þeirri

þjónustu sem í boði er. Kenndar eru leitir í ýmsum gagnasöfnum, svo sem í Leitum.is, Gegni, Timarit.is og Britannicu. Í lok tímans vinna nemendur verkefni á bókasafni sem þjálfar þá í að leita að heimildum inn á Leitum.is og Gegni og finna út staðsetningu þeirra á safninu.

Einnig var haldin safnkynning fyrir nemendur í NÁT 123 á haustönninni. Þar er megináhersla lögð á að kynna nemendum ýmis gagnasöfn sem nýtast þeim í náminu. Mikil áhersla var lögð á nýja leitarvefinn leitir.is og jafnframt hvernig hægt er að leita þar að fræðigreinum í landsaðgangi. Auk þess fengu nemendur kynningu á Vísindavefnum, Timarit.is, Britannicu og Google Scholar. Nemendur vinna svo verkefni í heimildaöflun sem gildir til einkunnar. Til að þessar kynningar skili sem bestum árangri eru þær haldnar eftir að kennarar hafa lagt fyrir stór hópaverkefni sem gera kröfur um töluverða heimildaleit og sjálfstæð vinnubrögð. Á vorönn var ekki haldin safnkynning fyrir nemendur en í staðinn var þeim sem þess óskuðu boðin aðstoð við heimildaleit.

Á kennarafundi 6. febrúar voru kennurum kynntar nýjungar í heimildaöflun á vefnum Leitir.is. Athygli var vakin á landsaðgangi að rafrænum gagnasöfnum og þeirri uppsprettu upplýsinga sem þar má finna. Hugtakið upplýsingalæsi var einnig til umfjöllunar, þ.e. að einstaklingurinn geti fundið, staðsett, metið, skipulagt og notað upplýsingar á skilvirknan hátt við að fjalla um þau málefni og viðfangsefni sem fyrir liggja hverju sinni. Loks var varpað fram þeirri spurningu hvort hugsanlega mætti samræma reglur um heimildaskráningu í verkefnum nemenda.

Stuttar kynningar voru fyrir nemendur í ÍSL 212 á vorönninni áður en þeir hófust handa við smíði heimildaritgerðar. Lögð voru fyrir ritgerðarverkefni sem tengdust íslenskri sögu, t.a.m. saga klaustra á Íslandi, Alþingi til forna, húsakynni fornanna og mataræði Íslendinga fyrir á öldum. Ýmsar heimildir sem tengdust þessu viðfangsefni voru settar á bundið lán sem hjálpuðu nemendur að komast af stað og í kjölfar safnkynningar fengu nemendur aðstoð við heimildaleitir á safninu.

Einnig voru haldnar kynningar fyrir nemendur í sögu 103 og sögu 203. Útbúinn var efnisorðalisti fyrir nemendur og sem fyrir var megináherslan lögð á Leitir.is og Gegni, Britannicu og timarit.is en þar er hafsjór af efni úr íslenskum tímaritum og dagblöðum. Einnig var unnin hugmyndavinna með Lárusi Bragasyni, sögukennara við val á hugsanlegu ritgerðarefni í sögu 343 og samdar leiðbeiningar fyrir nemendur.

Flestir kennarar eru mjög samstarfsfúsir og láta vita af fyrirhuguðum verkefnum, þá gefst tími og ráðrúm til að kanna hvaða heimildir eru til, útbúa efnisorðalista sem auðveldar leit, kaupa efni ef með þarf og setja viðeigandi safnefni á bundið lán. Með bundnu láni er reynt að tryggja jafnt aðgengi nemenda að heimildum, þetta efni er þá ekki lánað út af safninu nema til verkefnavinnu annars staðar í skólanum.

Því miður er alltof algengt að nemendur komi í lok verkefnavinnu og smeygi einni eða tveimur bóklefum heimildum inn í heimildaskrá svona til að uppfylla kröfur um heimild úr bók. Brýnt er að kennarar séu vakandi fyrir svona vinnubrögðum, svo og ritstuldi sem er vaxandi vandamál. Markviss umræða þarf að eiga sér stað í skólasamfélaginu um siðferði í þessu sambandi.

Viðburðir og sýningar:

Kátu dagarnir sem haldnir eru í kringum mánaðarmótin febrúar/mars eru alltaf skemmtileg tilbreytni í skólalífinu. Á bókasafninu voru kósý dagar, settir voru notalegir púðar og teppi víðs vegar um safnið og boðið upp á getraun þar sem góðum vinningum var heitið. Þátttaka var þökkaleg miðað við litla kynningu í dagskrá Kátu daganna. Spurt var um ýmislegt sem laut að tónlist, ljóðlist og bókum. Þrír getspakir nemendur voru dregnir úr pottinum, þau Dagbjartur Sebastian Østerby Christensen, Hrefna Björg Ragnarsdóttir og Óttar Andri Óttarsson. Að gjöf fengu þau geisladiska með íslenskum tónlistarmönnum.

Í stiga Jónasar voru settar upp nokkrar sýningar. Í tilefni af 80 ára afmæli Guðbergs Bergssonar, rithöfundar þann 16. október var sett upp kynning á skáldinu og verkum hans. Á degi íslenskrar tungu, 16. nóvember var kastljósinu beint að Jónasi Hallgrímssyni og í upphafi föstu voru dregnir fram bolluvendir, kjötpottar og baunir og óskupokar. Að auki er öðru hverju stillt upp áhugaverðu safnefni í stiganum góða.

Skráning:

Skráning safnkosts og frágangur hans er stór liður í starfi safnsins. Áhersla er lögð á að skrá nýtt safnefni eins fljótt og hægt er. Eldra safnefni er skráð eftir því sem tími vinnst til svo og bókagjafir frá ýmsum aðilum.

Mikið samstarf var við starfsbraut á skólaárinu. Í desember var gert átak í að fara í gegnum óskráð efni á starfsbraut og vegið og metið hvað skyldi skrá og hvað mætti grísa. Einnig fékkst fjárveiting fyrir kaupum á spilum fyrir brautina og voru þau skráð í Gegni.

Tímarit:

Bókasafnið er áskrifandi að um 50 tímaritum, þ.m.t. fréttabréfum. Einnig á safnið mörg eldri tímarit sem hætt hefur verið útgáfu á. Eldri tímaritin eru geymd í geymslu í kjallara en þau nýrri í gryfju bókasafnsins.

Öll tímarit í eigu safnsins voru tölvuskráð í Metrabók en í ársbyrjun 2009 var byrjað að skrá aðföng tímarita í Gegni. Á heimasíðu bókasafnsins er listi yfir tímaritaeign safnsins.

Gjafir:

Skólanum bárust góðar gjafir frá velunnurum hans veturinn 2012-2013. Ólafur Th. Ólafsson, fyrrverandi kennari við skólann færði safninu innbundið heildarsafn tímaritsins Harmonikunnar, blaði harmoníkuunnenda sem kom út á árunum 1986-2001. Blaðið er í einstaklega fallegu bandi og vel vandað til allra verka. Núverandi starfsmenn skólans eru einnig gjafmildir og færa safninu oft bókagjafir sem koma að góðum notum.

Alls voru skráðar 99 bækur, tvær hljóðbækur og tvö tímarit. Safnið áskilur sér rétt til að taka við gjöfum án kvaða og ráðstafa þeim eins og hentar best notendum og starfsemi.

Aðföng og skráning 2012-2013:

<u>Aðföng</u>	<u>Haustönn 2012</u>	<u>Vorönn 2013</u>	<u>Samtals</u>
Bækur	432	255	687
Mynddiskar (DVD)	23	23	46
Geisladiskar		1	1
Hljóðbækur	4	2	6
Spil/leikjakassar	1	21	22
Gagnasett		1	1
<u>SAMTALS</u>	<u>460</u>	<u>303</u>	<u>763</u>

Skráður safnkostur bókasafns FSu:

<u>Bækur og nýsigögn</u>	<u>Maí 2012</u>	<u>Afskrifað 2012-2013</u>	<u>Aðföng 2012-2013</u>	<u>Maí 2013</u>
<u>BÆKUR</u>	16.263	217	687	16.733
<u>MYNDBÖND</u>	413	24		389
<u>DVD</u>	361		46	407
<u>HLJÓMPLÖTUR</u>	130			130
<u>GEISLADISKAR</u>	162	16	1	147
<u>HLJÓÐBÆKUR</u>	132	6	6	132
<u>SNÆLDUR</u>	194	19		175
<u>MARGM.DISKAR</u>	68	6		62
<u>TÖLVUDISKL.</u>	1			1
<u>SKYGGNUR</u>	13	2		11
<u>FORRIT</u>	6			6
<u>GLÆRUR</u>	21	1		20
<u>LEIKJAK. / SPIL</u>	28	1	22	49
<u>GAGNASETT</u>	1		1	2
<u>KORT</u>	28			28
<u>SAMTALS</u>	<u>17.821</u>	<u>292</u>	<u>763</u>	<u>18.292</u>

Rekstrarkostnaður 2012:

Bækur	705.441
Tímarit og blöð	185.420
Myndefni	95.864
Kostnaður vegna Gagnis, landskerfis bókasafna	382.632
Strikamerki, 3000 stk.	28.195
Landsaðgangur að gagnasöfnum	73.709
Snara, veforðabækur	110.000
Endurmenntun	30.000
Millisafnalán	3.850
Uppfærsla á 4 tölvum á bókasafni	206.195
Tölvuvörur	1.169
Bókahillur	384.900
Laserprentari	131.281
Gólfvifta og rakatæki	10.191
Myndarammar	8.177
Blek í litaprentara	36.720
Prentduft í laserprentara	59.724
Ritföng, bréfabindi, umbúðir um safnefni	5.526
Bókaplast	75.800
Leturborðar fyrir merkivél	14.489
Bólstrun á 25 stólum	141.187
Viðgerð á safnefni	2.410
Mynddiskar til afritunar	8.015
Viðhaldskostnaður	9.898
Aðflutningsgjöld	<u>4.930</u>
	2.715.723

Tæki og búnaður:

Á bókasafninu eru nú 12 tölvur, ein fartölva, skanni, skrifari, einn litaprentari (í afgreiðslu), tveir laserprentarar, tvöfalt segulbandstæki til afritunar, lítið stafrænt upptökutæki, sjónvarp, myndbandstæki, DVD-spilari, ritvél, leturvél og sími. Ljósritunarvél er á safninu og greiða nemendur 15 kr. fyrir hvert ljósritað blað.

Keyptur var nýr prentari vorið 2012 af gerðinni HP LaserJet P3015. Þetta er svonefndur nemendaprentari og er aðalprentari nemenda. Fjórar tölvur á bókasafni voru uppfærðar sumarið 2012.

Á bókasafninu eru hillur, lesbásar, skrifborð og afgreiðsluborð sem voru sérsníðuð á sínum tíma.

Vilyrði fékkst fyrir nýjum bókahillum sem keyptar voru frá Þjónustumiðstöð bókasafna. Alls 18 hillumetrar. Þeim var fenginn staður í geymslu í kjallara og leysa úr brýnni þörf fyrir pláss. Möguleiki fyrir fleiri bókahillum á safninu er takmarkaður vegna plássleysis og því hefur verið farin sú leið að geymsluskrá þann hluta af safnkostinum

sem hreyfist lítið. Með góðri skráningu þar sem staðsetning eintaka kemur skýrt fram á ekki að koma að sök þó hluti safnkostsins sé skráður í geymslu.

Vinnuaðstaða:

Vinnuaðstaða bókavarða samanstendur annars vegar af afgreiðslurými þar sem upplýsingaþjónusta og afgreiðsla fer fram og hins vegar af vinnurými inn af afgreiðslu. Í afgreiðslurýminu eru staðsettir litaprentari og laserprentari. Laserprentari af gerðinni HP LaserJet P3015 er staðsettur við hringstigann.

Vinnuaðstaða forstöðumanns er inn af afgreiðslu, þar er aðstaða til skráningar og annarrar undirbúningsvinnu. Þar er einnig úrklippusafn í skjalaskáp sem aðallega inniheldur bæklinga og ýmislegt fræðslufni. Í þessu vinnurými eru einnig geymd myndbönd safnsins og kennslubækur sem kenndar eru hverju sinni og eru þær lánaðar til nemenda í skamman tíma. Geisladiskar og hljóðbækur eru staðsettar í hillum við afgreiðslu. Í kjallara er aðstaða til plöstonar og viðgerða á safnefni auk þess sem rúmgóð geymsla er fyrir geymsluskráð efni og eldri tímarit.

Eftir áramótin fóru að falla dropar úr lofti, í orðsins fyllstu merkingu. Viðgerð á þaki hafði misheppnast og vatnið fann sér leið í gegnum glerið og spýtist nú yfir hluta lessætanna á svölunum í miklum rigningum. Til stendur að fara í viðgerð á þessum leka núna í sumar. Þetta er hvítleiður draugur sem safnið virðist ekki ætla að losna við.

Á nýafstöðnum námskeiðum sem haldin voru hér í skólanum fyrir starfsfólk var kynnt úttekt Vinnueftirlitsins á húsnæði skólans. Þar kom fram að mikið af skjölum og pappír er geymdur í kjallara Odda, þar með talin geymsla bókasafnsins. Töldu eftirlitsmennirnir að mikil eldhætta væri fólgin í þessu, en með uppsetningu vatnsúðara í kjallara væri hægt að draga verulega úr henni. Brýnt er að leysa þetta vandamál eins fljótt og auðið er.

Fundir, námskeið og ráðstefnur:

Elín forstöðumaður safnsins sótti kennarafundi á skólaárinu og fundi með stýrihópi um upplýsingatækni sem haldnir eru hálfsmánaðarlega.

Elín og Steinunn fóru á landsfund Upplýsingar sem haldinn var í Kópavogi dagana 27. til 28. september, Steinunn báða dagana en Elín seinni daginn. Nanna Þorlákssdóttir á skrifstofu skólans tók að sér að annast safnið á meðan. Á landsfundinum var m.a. rætt um upplýsinga- og miðlalæsi, rafbækur á bókasöfnum, framtíð bókasafna, ólöglegt niðurhal og spjaldtölvur í skólum.

Elín starfaði í stjórn Aleflis, notendafélags Gegnis á haustmánuðum þar til á framhaldsaðalfundi félagsins sem haldinn var í Reykjavík 23. nóvember. Þar var ný stjórn félagsins skipuð og fulltrúaráði breytt á þann veg að nú sitja í því fulltrúar fyrir hinar ýmsu safnategundir. Áður voru fulltrúar skipaðir skv. stjórnunareiningum Gegnis sem m.a. byggja á landfræðilegri skiptingu.

Fundir hjá Samstarfshópi bókasafnsfræðinga í framhaldsskólum voru fjórir talsins á skólaárinu. Þeir voru haldnir í Fjölbrautaskóla Suðurlands 8. október, Fjölbrautaskólanum í Breiðholti 17. desember, Fjölbrautaskólanum í Garðabæ 8. apríl og í Verzlunarskóla Íslands 27. maí. Elín komst ekki á jólafundinn í FB en sótti hina

fundina. Á fundinum hér í FSu í október hélt Birgir Björnsson, umsjónarmaður landsaðgangs að rafrænum gagnasöfnum og tímaritum kynningu fyrir hópinn. Rætt var einnig um lesbretti, útlán á þeim og höfundarrétt efnis. Fundarmenn sögðu frá sínum aðferðum og áherslum í safnkennslu og kynnt var bréf samstarfshópsins til skólameistara framhaldsskóla varðandi hlutverk skólabókasafna í námskrá.

Elín fór á fræðslufund skrásetjara Gegnis sem haldinn var í Þjóðarbókhöllu 30. nóvember. Og nokkrum dögum síðar, 4. desember var boðið til kynningar á ALMA, nýju bókasafnskerfi sem Ex Libris hefur þróað og er því í framtíðinni ætlað að taka við af bæði Aleph (Gegni) og Voyager bókasafnakerfunum. Kerfið byggir á nýrri tækni, það er veflægt og „í skýjunum“ (clouds). Engin ákvörðun hefur enn verið tekin um nýtt bókasafnskerfi fyrir landið.

28. janúar var haldinn svonefndur þrískólafundur hér í FSu með samstarfsskólum okkar, Fjölbrautaskóla Vesturlands á Akranesi og Fjölbrautaskóla Suðurnesja. Við fengum góða gesti til okkar af söfnum hinna skólanna og áttum saman gagnlegar umræður um starfshætti safnanna, t.a.m. um rukkanir, skráningu, safnkennslu o.s.frv.

Einnig sótti Elín fræðslu- og umræðufund sem skráningarráð Gegnis hélt um leitir.is þann 15. mars. Markmið fundarins var að fræðast og opna umræður um skráningu efnis sem síðan er gert leitarbært í leitir.is. Þetta á bæði við um efni sem skráð er í Gegni og í öðrum grunnum eins og timarit.is og Skemmunni. Nauðsynlegt er að fylgjast vel með allri framþróun og nýjungum í faginu.

Selfossi 1. júní 2013

Elín Kristbjörg Guðbrandsdóttir,
forstöðumaður bókasafns Fjölbrautaskóla Suðurlands